



Stusdalen beitelag
v/Tore Stusdal

Svar på søknad - Lindås - Organisert beitebruk 2017 - Stusdalen beitelag - ebjøller - bygge bru

Fylkesmannen syner til Stusdalen Beitelag sin søknad av 15. mars 2017 om tilskot til investeringar i beitefelt, oversend frå Lindås kommune 30. mars 2017.

I år søkte 37 beitelag om tilskot til investeringar i beitefelt. Det er til saman søkt om tilskot til 65 ulike tiltak. 14 tiltak har fått avslag. Søknadane vart vurdert i møte mellom Beiteutvalet i Hordaland og Fylkesmannen si landbruksavdeling 11. mai 2017. I år var det ca kr 613.000,- til fordeling mellom dei innkomne søknadene. Ein liten sum av dette er inntrekte midlar frå tiltak med utgått arbeidsfrist.

I 2017 vert det løyvd tilskot etter denne fordelinga

- Elektronisk sporingsutstyr: tilskot på kr 400,- per eining. Tilskotet er avgrensa til maksimalt 20 % av tal vaksne søyer i beitelaget. Dette betyr at eit beitelag med 300 søyer maksimalt får tilskot til 60 radio-/ GPS bjøller.
- Saltsteinsautomatar: tilskot på kr 500,- per stykk.
- Samlehegner og sankehegner: tilskot på inntil kr 40 % av kostnadsoverslaget.
- Bruer til føring av dyr: tilskot på inntil 40 % av kostnadsoverslaget.
- Lettgrinder/ stålgrinder i sanke-/ skiljeanlegg: Det vert løyvd tilskot til slike grinder på inntil kr 125,- per meter.
- Andre tiltak, som meir kostnadskrevjande arbeid i hegner, ferister og bruer med større dimensjonar: tilskot på inntil 20 % av kostnadsoverslaget.
- Arbeid med tiltak har tidlegare vore støtta med utgangspunkt på 200,- kr./time, men i år vert den auka opp til 300,- kr./time.

Beitelaget sin søknad og vurdering av søknaden

Beitelaget søkte i år om 2 tiltak.

- 20 radiobjøller: Tiltaket vert prioriter med kr. 400,- per eining.
- Bru ved Tvervatnet: Tiltaket vert prioritert med inntil 40 % av kostnadsoverslaget.

Vedtak

Fylkesmannen løyver eit tilskot til Stusdalen Beitelag, org.nr 916 212 860, konto nr. 3640 60 40997, på til saman **kr. 18 630,-**. Tilskotet gjeld 2 tiltak, sjå spesifikasjon under.

- Beitelaget vert løyvd eit tilskot på 20 radiobjøller, à kr. 400,- per eining, totalt tilskot på inntil kr. 8 000,-.
- Beitelaget vert løyvd eit tilskot på inntil 40 % av kostnadsoverslaget for arbeid med ei ny bru ved Tvervatnet, totalt tilskot på inntil kr. 10 630,-.

Tilskotet vert løyvd på vilkår av at lover og reglar for organisert beitebruk vert følgd (sjå § 9 i forskrift om regionalt miljøprogram i Hordaland 2016 om *godkjenning og krav til beitelag*).

Arbeidsfrist 1.08.2020.

Korleis få utbetalt tilskotet?

For å få utbetalt tilskotet må beitelaget skriftleg be om sluttutbetaling. Dette skal sendast til kommunen saman med vedlagt dokumentasjon på at arbeidet er utført. Dokumentasjon som krevjast er rekneskap med billag og gjerne foto som viser fullført tiltak. Kommunen tilrår sluttutbetaling og sender all dokumentasjon til Fylkesmannen for at sluttutbetalinga skal bli utført. Delutbetaling undervegs på inntil 75 % kan vera aktuelt dersom beitelaget har behov for det.

Klagerett

Beitelaget har rett til å klaga på dette vedtaket. Klagefristen er tre veker etter at laget har motteke dette brevet, jf. §§ 29 og 29 i forvaltningslova. Ein eventuell klage skal stilast til Landbruksdirektoratet, men sendast til Fylkesmannen. Klagen bør vere grunngeve.

Med helsing

Åse Vaag
landbruksdirektør

Kari des Bouvrie
rådgjevar husdyr

Brevet er godkjent elektronisk og har derfor inga underskrift.

Kopi til:
Lindås kommune, Landbruk og miljø Kvernhusmyrane 20 5914 Isdalstø